

續修京山縣志

00260.129
39
20=10

卷之十五	人物志	者壽	節壽
	隱逸	流寓	
	方伎	仙釋	
卷之十六	變亂志		

京山縣志卷之十五

耆壽

胡慶颺石板團人壽一百三十八歲六世同堂

王明燭年百歲見易眉川果能堂集有村嫗年百有三歲

見王太僕詩

曾毓彥赤馬村人壽一百零二歲

劉元官橋鋪人壽一百二十歲

張登昌張家澤充善嶺人爲人公正壽九十一歲

樊貞芝楊橋團人爲人伉直精於數學五十始生子壽九

東山縣志

卷之十五

耆壽

十三歲

李兆玉黎塘團人五世同堂親見七代孫壽八十三歲

職員徐上禮城西孫橋里人輕財好義普惠寺王工橋俱

有碑記壽八十四歲妻梁氏壽八十一歲

邑人楊煦堂父母俱九十餘親見元孫至十餘齡

張惟善丙家灣漆工年百歲邑侯程給坊銀二十四兩題

匾日期壽人豪

易均贊壽八十六歲五世同堂

武生張崇烈現年八十五歲精神強健

李必茂廕生平生坦白無私壽八十有三歲

周選文勤儉起家義方教子壽八十有一歲

楊國棟孫礪團人生平勤儉少疾壽至九十二歲

李載華孫礪團人壽九十四歲舉耆民

江永清西十團人學問淹博教子姪有程法壽至九十七

歲

董高明西十團人壽九十八歲

魏杖朝壽八十八十時猶能赴試

吳愷黃土團人年九十二歲縣主獎以齒德俱尊匾額

東山縣志

卷之十五

耆壽

二

李學高鴨山團人忠直善醫術壽至百歲無疾而逝

監生彭逢泰壽八十三歲妻湯氏八十五歲親見元孫

庠生楊楚英性剛正壽八十四歲

庠生孫訪西城外人九十八時能燈下析牛毛李學使表

其廬曰宮牆人瑞

孫正海唐心口人性淡行方現年九十三健步不減壯歲

孫正紀唐心口人平生忠直壽八十六歲

孫光禹唐心口人好義輕財年八十二猶能書蠅頭小楷

劉兆熊城內人嘉慶元年教匪滋事捐財督勇叙功錫職

壽八十四歲

潘廷楫西城外人自號雲杜散人刊有醒世語壽八十四歲妻王氏八十八歲

游應祥西城外人性質直逾五旬始舉子八十得見孫枝蒙 恩褒榮

楊子蟄西城外人性剛直精於醫術壽八十有一歲

王臨東十團人副貢生候選縣丞壽八十餘歲

王晉東十團人庠生壽九十三歲以孫貴受賜封

任作相楫同母兄弟性俱忠耿相壽八十四歲楫壽八十八

京山縣志

卷之十五

耆壽

三

歲

趙家述丁泉團人現年九十尙健

甘起先鴨山團人壽九十三歲

庠生張辰城內人壽八十七同治庚午重遊泮水妻田氏亦壽至八十五歲

曹觀一官廳團人善事嗣父母壽九十三

張法寬南鄉人性厚直七十餘尙無子至八十二生子裕

鑫承其祀

庠生汪承志多寶灣人善書著有雜花吟詩壽至八十二

妻張氏壽九十三曾孫家煥例貢生現年八十二尙健
張濂學優善誨從遊入泮者衆壽至九十八

楊逢盛平壩團人積學未遇品行端方壽八十九妻孫氏
亦賢淑壽九旬生五子孫曾數十人四子先春邑庠生
孫謹唐心口人年八十九堂弟詵八十二體並康健綽有
古風

鄒明傑本城人壽八十有二縣中公事均服勞不怠爲人
老實沉靜一治一亂閱歷廢興亦難得也精神尙健有
期頤之望

京山縣志

卷之十五

耆壽

四

高文郁字鑑塘歲貢生秉性剛直著有柳葢軒文集尤嗜
書道健可觀終年七十有九孫肇琦膂力絕倫同治甲
子賊由德安竄至被逼徒手扛石斃數賊因衆寡不敵
竟遇害時年二十歲嘗有包胥大夫廟詩可誦

曾廣坦曾家上團人秉性樸誠壽八十一歲

貢生解良瑤黃福口人品學兼修壽百有五歲著有柳溪
堂萃葆身銘待梓

監生田文斯高沙團人賦性忠樸壽八十四歲

左顯恒石泉團人品行端方現年八十二歲健步善飯曾

元繞膝孫勳治廩生

孫文烈東城外人好善樂施壽八十有四妻呂氏亦年至八十有五

胡超貴東城外人少貧苦其子鎮澧食餼於庠現年八十一歲尙健

王家彥東城外人性至孝四十始生子生平好學至老不倦年八十一卒眼見曾孫數人

張忠烈青畝團人尊師重道鄉黨以仁厚稱壽八十二子聯庚增貢生

京山縣志

卷之十五

耆壽

又四

耆壽補

夏永年馮楊團人爲人樸實壽九十一卒

呂金萬性誠樸治家有法壽八十四無疾卒孫陳書邑庠

生

京山縣志

卷之十五

耆壽補

節壽

曾氏唐心口孫大盛妻現年一百零五歲精神猶健親見
上下九代

楊氏唐心口孫某妻現年九十七尚勤女工

文氏孫礪團孫開元妻生平無疾壽至九十七歲

易氏西城外游雲妻一生勤儉壽八十八歲

習氏唐心口孫大勇妻夫故節守壽八十四猶勤紡績

梅氏西城外汪明妻夫故守節壽至八十有四

孟氏西城外汪光前造室年未二十守節年八十四猶健

京山縣志

卷之十五 節壽

五

楊夏氏鯉魚團人現年九十八歲尚健

楊王氏現年九十七歲眼見曾元

楊氏鴨山團吳智瑤妻孀守善持家壽九十子光祖壽八
十四歲

蕭氏孫礪團汪世位妻性慈善理家壽八十八子孫衆多

華氏監生王瑾妻現年九十尚健

蕭氏城內蔡銳妻壽八十七

鄧氏觀音團李文遠妻二十四歲守節壽至一百零九歲

章氏南鄉張士錦妻三十一守節壽至一百零五歲蒙

恩准建百歲坊

鄒氏南鄉張登妻十九守節壽至九十九歲

王氏西十團楊光明母現年一百歲善飯子亦近七十孝養不倦

鄭氏西十團盧志義妻貢生鄭家聲妹現年八十六歲尙健

曾氏儒童程貴妻節守壽至一百零一歲

劉氏張維孝妻節守壽至九十三歲

鄔氏張先遵妻節守壽至九十六歲

京山縣志

卷之十五

節壽

六

查氏魏順珩妻自三十守節至今九十七歲存

徐氏崔洋妻夫故撫姪爲嗣苦節六十餘年壽九十

謝氏黃琚妻年二十二夫故撫子壽至九十六終學使獎

以石貞山壽子輝廷壽亦九十餘

史氏熊鑑妻夫故孝事翁姑教子有方壽至八十九

郝氏彭人文妻二十八守節撫遺腹子成立壽至八十八

易氏劉懋德妻苦節無子壽至九十

楊氏呂金登妻守節撫嗣及孫壽至八十六

葛氏汪必蘓妻夫故節守壽至九十

程氏李福堯妻苦節撫幼子成立現年九十一

文氏趙國英妻守節撫子壽九十終

黃氏江忠妻孀守壽至九十六親見五代

柳氏王光宇妻苦節壽至九十二

李氏儒童張憬寬妻苦節撫嗣壽至八十七

饒氏彭元瑄妻苦節撫嗣壽至九十餘歲

甘氏文童王浩妻孀守壽至八十四

胡氏劉輝述妻守節撫子壽八十五

丁氏文新淳妻撫子苦守壽至八十四

京山縣志

卷之十五

節壽

七

田氏曾士棟妻撫子之裕入庠壽至九十三

賀氏職員曾紀照妻節守撫子子歿撫孫孫故撫曾孫其
壽至九十七

張氏曾廣莊妻苦節奉姑壽至九十七

龔氏楊宏妻苦節撫子壽至九十七

楊氏鄧宗魯妻夫故守節壽至八十四

彭氏監生李文亮妻守節撫子壽至九十尙存

汪氏張廷玠妻割股療孀姑病者二次壽至八十四

鄧氏周雲升妻壽至九十八歲

汪姑字姚氏子未婚壻死過門守節立嗣娶媳壽至八十餘歲

吳氏儒童余陞瀛妻二十夫故撫弱叔成立後叔與媼俱歿余仍無後氏苦守經胡中丞旌獎現年八十餘尙健

鄭氏周某妻自二十九孀守撫子壽至九十九歲

何氏拖船埠朱業殿妻壽百歲

朱氏丁家潭人貢生文毓紱妻乾隆乙未科武舉守脩朱必亮第三女年登百齡五世同堂

隱逸列傳

胡興第字碧潭江右人元時僑居京山曉發天門山有詩云杖策從軍行天門方啓明五雲扶日出北斗尙參橫福地逢佛指名山似化城肯堂還肯構振振起公孫遂築室於佛指山下與隣人郝景章善明洪武聞籍天下富民實伍景章以例傳籍而丁單引胡爲朋戶胡氏之冒姓郝自此始

王大韶字叙之幼聰慧喜讀書父雖鍾愛而家不甚裕艱於膳兄弟亦不喜其遊學多方阻遏大韶囊書赴景陵

京山縣志

卷之十五

隱逸列傳

譚氏其家知非庸人收與子弟同處二年學業頓進父求得之使師兄爲舉子業由儒士兩試楚闈不利典學使者以廩生送州庠然性閑放遂不就隱大月山閉門授徒長子橋自始學至總髮十餘歲未嘗一日離膝下季子格七八歲大韶日背戟之口授經書里中有歸德寺大韶授讀其中殿壁間有畫梅乃題絕句於旁日挺挺疏花帶雪開世人休訝是寒梅會看結就枝間實神鼎調羹取次來識者知其屬望於後裔也後以子貴贈

河南僉事祀鄉賢

王宗華字時藻隱居斗山種松數百圍結廬其下旁有雙泉引爲蓮塘可數畝許躬耕高尙邑令請見辭不出年八十卒李大泌誌其墓稱爲聖朝逸叟

劉希獻字季微由明經謁選別駕歸不欲仕退隱南山堅卧小園以詩歌自娛性敦樸不染貴介習家居篤於倫理每以忠孝友愛訓其子孫癸未甲申間流寇蹂躪郡邑急毀家紓難義不顧身條悉官兵利害督撫將加題叙而身不逮矣所著有錦浪園集子藻字清卿縣庠生居母喪墨瘡幾不能起歲時饋奠手盥錡釜以進畢生

京山縣志

卷之十五

隱逸列傳

二

不衰偶有小過父微徵諸色卽長跪庭前父顏霽始起待諸弟恒以和浹之年未四十卒孫舜民以順治甲午舉於鄉高才好學六上公車弗第蚤世士林惜之

劉榮字仁伯醇樸孝友正直端方族里人多敬之子芳顯出宰宜興每於退食之暇諄諄以學道愛人四字相提命晚年卜居西郊逍遙物外年七十有三卒

夏之來字見如勵志淹博敦行樂善著四書解詩經解若干卷晚年以足患坐榻八載留心陽明龍溪之學著聖學合編萬餘言年七十八臨終遺詩編首云白雲杳杳

思無窮轉瞬還悲泣樹風多少遙瞻桑梓處何如近在
簡編中

王言字如如號終南渾樸篤實事繼母以孝稱少奮志名
場不遂遂遊成均晚年蒔竹種花以自娛樂年六十三
終王子釜山贊曰考槃可傲膺仕聞譽可却圭組遐想
高風誰不曰可以儀型來許

譚秉爵字一甫少受詩於江右郭先生受易於邑南川王
先生隱居授徒所入悉分惠其宗人家觀音崖崖有字
曰宦遊一快四大字遂自署快厓歲時從社中人載酒

東山縣志

卷之十五

隱逸列傳

三

其下倚杖放歌誦考槃之詩人目爲隱君子士大夫遊
巖泉者聞其賢悉造廬焉節李大泌譚
隱居墓志萬歷壬辰卒李
大泌爲銘其墓

王鴻功字子儀一字羽可邑諸生性至孝事母曲盡勤勞
機神散朗工詞翰不屑步趨時俗閒居種植花木掃除
一室潔几案焚香煮茗延素侶倡酬無虛日中歲遭亂
詩文盡佚僅存壁間二絕云聚散花如匝地茵朝來白
玉想橫陳彌天雁字驚寒早書向遙空苦憶人立殘苔
涇齒痕輕恰瑣閨愁向夕城一泪同悲淪落意房中曲

和雨風聲讀二詩可略識其風韻矣

府志高雅列傳

胡其良字叔易保安知州機少子年弱冠始折節讀書資質敏捷過目輒能誦恢諧放蕩醉後謳吟調笑變態百出常以琴張曾點自許詩長於七言古歌行生硬雄健一洗谿徑下筆如兔起鶻落不可遏抑偶遊江南歸患足疾雖蹒跚倚杖而興趣不減也所著因難鮮有存稿

府志高

雅列傳

胡其榕字文度號仙圃其良從弟舉止曠爽韻趣傾人書法冠一時真行分草篆隸皆妙詩則七古律絕句爲勝

京山縣志

卷之十五

隱逸列傳

四

間喜作填詞尖酸可擬柳七卽其性汎愛掃去畛域持絹素乞書者應之不倦坐上有君不復知人閒愁苦事對之如入羣峰衆壑煩悶都盡詩有蘿春館山響廬二稿今並存

府志高雅列傳

黃鑾字伯占父嘗爲較官蜀中鑾從遊學涉獵羣書文近古質而論策瞻博教授里中每歲大比則出以儒士就試入舉場七八次人嘗以魁選期之鑾亦自負竟落魄不偶有學使令人學爲廩生鑾不就年近六十自知數奇隱居不出耽憐自守惟以經籍爲娛年八十餘卒

馮維垣字念塘賦性溫克喜讀經史嫻古文辭日陶情詩酒有考槃遺風

張文美字魯瞻少工書遊青齊豫梁及岱衡名岳有半間堂稿與李本甯郝仲興魏實秀夏崇謙同遊香山載有遺筆子星炳以博雅稱

朱衡字平甫生有膂力好遊久客京師多挾醫方能詩能畫能琴晚還里益貧且無子惟吟咏自樂著有紫衲道人吟卷與郝楚望友善爲作傳載山草堂集中

趙維城字德甯邑庠生爲人沉靜好讀書不事生產業田

京山縣志

卷之十五

隱逸列傳

五

於塾有贏卽購書佛老方技亦究其奧所著詩文甚富如文章經緯圖太極新徵說非淺識所能窺也與里中黎閭然善黎性爽達嗜酒讀書有蘇子美之風每使書與酒俱盡皆俊偉魁奇才也

盧韜字姜書性穎慧目十行俱下年十一府試冠其曹浮言頓起韜請面試七藝立就守以神童目之旋補弟子員廩於庠竟以數奇早卒著有渭濱集十五卷皆身心性命之學

郝千秋字漢田千石字介甫皆楚望子年十一二三補邑諸

生盛有詩名秋南遊有詩云每向崆峒結女蘿野人行
脚信如何酒腸方大黃金盡世事纔知白髮多日冷却
嫌孤鶴怨天寒誰聽飯牛歌平生還愛於陵子用拙爲
園老一簑石咏美人手云金釧雙籠半不禁綠窗時整
小眉心管絃曲裏傳聲細新月樓前斂拜深絲帳香殘
紅藕膩嬌萋柔妬海棠侵秋來幾度挑羅韞爲憶相思
却放鍼惜皆中道歿至今人思二妙

胡其靜邑庠生性傲岸不屑一切沉酣古學詩文矯異作
老梅萬年歌人競賞之五十自題云迴想當初說大還

京山縣志

卷之十五

隱逸列傳

六

而今真欲住靈山三千界裏些須事五十年中瞬息間
花卸花開何日了人歌人哭幾時閑本來面目憑誰看
獨對蒼松照老顏是年去世人以爲詩讖云

王懋夏字存修樸菴太史子也幼擅文名以第一遊泮復
援例入監淡於進取詠歌自樂後輩談風雅者多宗之
李鈺字世佳本甯重孫

劉襄字一巢

劉奕字野塘舉人笠莊子

胡昊字野巖參政梅嶺重孫

黎峻字樵莊

黎岫字菊易進士涪夫子

王起翰字湘曲樸菴重孫

僧遠山 以上八人號爲八郎又號八男俱優時藝性恬
退力追古學陶情詩酒時往來白谷康樂閒倡和成帙
而世佳樵莊才思更富尤工書法遠山善琴詩亦不俗
皆超然名利之外者也

庠生孫鵬孫胡團人因鄉闈不舉輒棄家遠遊至八十餘
歲歸里鶴髮童顏見者多不能識當時有神仙之目

京山縣志

卷之十五

隱逸列傳

七

流寓列傳

嚴光字子陵詳漢書邑有子陵洞子陵里帝星井讀書臺相傳子陵隱此舊志據漢書稱子陵會稽人疑去縣遠今考嚴光新野人避難會稽任延傳云天下新定道路未通避亂江南者皆未還中土會稽頗稱多士延爲會稽都尉如董子儀嚴子陵皆待以師若友之禮以此證之子陵非會稽人明矣范蔚宗失於檢考耳又子陵娶梅福季女府志有梅福井縣去新野近則以子陵固嘗經此也富水郡志謂郡有龍興寺在城南八十里光武

京山縣志

卷之十五

流寓列傳

尋嚴光至此而返又一証矣按子陵本姓莊避文帝諱改姓嚴

陸羽字鴻漸竟陵人唐天寶中州大酺署羽伶師太守李齊物見而異之授以書遂廬京山之火門久之詔拜太子文學徒太常寺太祝不就職詳唐書

揭傒斯字曼碩豐城人太德間客遊京山湘漢問學者咸尊師之延祐初程鉅夫盧摯列薦於朝文宗時閣中有咨訪必稱旨中書每奏用儒臣必問曰其才何如揭曼碩嘗進太平政要以示臺臣曰此朕授經卽揭曼碩所

進見元史

鶯池生者姓宋名登春字應元趙郡新河人晚居江陵之
天鶯池更號鶯池生生始慕俠囊書遠遊之京師又去
之兗州又去之金陵錢塘已復歸新河又西去關陝入
西川下荆鄂遊雲夢北走大梁復自宛涉襄過京山所
跨驢蹶於唐氏之淖傾其囊中書曝之衢唐氏異生所
爲要與之飲食歡相得也遂主唐氏一歲而行唐氏爲
刻其詩傳荆郢間更贈生二童子卽生所呼爲丹砂白
石者挾二童子轉江陵後不知所之

淵鑿類函遊覽類
明王貫鶯池生傳

方伎列傳

黃升字啓東明時人京山名醫也善察脉有分巡戚公晨興忽疾作不語升診之脉與症不應乃詢其左右云夜食烹雞升曰此必食後就寢有蜈蚣過其口鼻中毒耳投之以劑立愈戚猶未信乃更烹雞置寢處果有蜈蚣三枚自榻頂下又有王氏二子母病請升治之升徵其脉曰微恙耳尋愈二子并以脉視升升驚曰二君脉俱不佳明年相繼歿又廩生張才仕病升診之曰無恙但君賤脉至試事當防耳明年督學至果停其廩其他奇

京山縣志

卷之十五

方伎列傳

中皆類此

孔箕衣嘉靖間道人過京山就賣菜兒乞蘿菔欣然與二枚孔曰汝明日微有財喜已而從食店求食店人叱之孔曰勿叱此地不久且爲赤明日店果火賣菜兒於餘燼中得銀少許

李守真明時居郢之白鶴觀有道術能於掌中起雷大旱請雨結壇如常法刻期須應至日於鴨嘴山雲霧中見闕壯繆冠劍擁現雨遂注後裔徒李易頗傳其術

楊道鉉嘗遊三茅山曉其法行持頗驗歲旱士人懇之擊

泉法用桃符以犬血塗之置泉穴中俟水湧出以酒注於穴口急攘而盛之持遊野中頃刻雷雨大至道鉉仍以朱書飛蜈蚣貼樹上驅雷擊之所指立碎人欲使爲戲畫飛蜈蚣向婦人即自褫衣一日已女自外來道鉉以爲他婦亦施此法女赤體近前道鉉懊恨焚法書不復作

聶繼洛字用之觀音團人爲人樸實誠懇精岐黃以濟世活人爲心不問貧富遠近按症與方不吝著有本草註解證治稿存其孫大年手

京山縣志

卷之十五

方伎列傳

二

余大璉城內人性情古樸精醫術嘗謂學醫之道如作文然久疏必荒每診病歸必遍閱醫書力求所以活人之法論者以爲太勞璉曰病者以性命寄我敢不精詳審慎其真誠如此

馮大椿刑部司務馮士祿裔孫精數學賣卜鄂垣黃鶴樓多奇驗道光年間已伏法之教匪默默居等先問卜於椿椿廉得其隱即約同紳士出首盡獲匪黨按問如法子學恒知醫尤通地理人頗樸素

方技補

張竺菴明季人精岐黃全活無算生卜葬地距文筆峯百
十步其徒張能口於崇禎辛未爲題墓石曰醫仙

京山縣志

卷之十五 方技補

三

仙釋列傳

張楷字公超隱華山嘗跨驢至城賣藥城東會仙橋以楷得名

董仲永之子世傳母乃織女故仲生而靈異數篆符鎮邪怪嘗遊京山之潼泉以山多蛇毒書二符鎮之其害遂絕今符石猶存

楊道人宋宣政間寄跡朱司戶家數年落魄不羈狂飲自如一日酒酣曰我辭世矣不疾而逝葬之山中後二年朱往京師忽遇於通衢言笑如舊朱詰其所以不言而

京山縣志

卷之十五

仙釋列傳

去朱歸啓棺視之空函也

胡慶預京山人師道楷於大洪山靖康間盜起預日謹禪誦以定眾志若是者數年所活萬人紹興中下廬阜入八閩閉關雪峯十年忽微笑書偈而逝

劉水天明末人年百歲預定逝期至日卒今張家菴傍其閉關處也

釋法安一名慈欽遠公弟子也善持戒行講說眾經兼習禪業晉義熙中新陽縣有大社樹左右民居以百數有虎災安暮投北村民以畏虎早閉門安徑之樹下通夜

坐禪虎負人而至投之樹北見安如喜如驚跳伏安前
安爲說法授戒虎踞地不動有頃而去村中人見安大
驚謂是神人虎患由是遂息因畱安立寺左右田園捨
爲寺業後欲作畫像須銅青不能得夜夢人云北下有
銅鐘掘之果得二口因以青成像後以一鐘助遠公鑄
佛餘一武昌太守熊無患借視遂畱之安後不知所終
獨孤標唐天祐中卓菴潼泉山嘗語人曰侯門荻生當建
寺旣趺坐而逝畱偈曰獨孤標時獨孤標東西南北無
結交生也任他隨緣過死後從他劫火燒百年果有大

京山縣志

卷之十五

仙釋列傳

二

洪山主來建巨剎後爲野燎所焚其言皆驗

警鉉太陽山僧江夏張氏子依智通禪師出家十九爲大
僧聽圓覺了義講席無能及年八十嘆無可以繼者遂
作偈並皮履布直裰寄浮山遠禪師使爲永法器天聖
五年七月辭衆示寂塔於本山

新羅僧宋時居京山新羅泉一日語眾欲歸忽一人止之
僧言思故鄉水其人指地泉卽湧出味同故鄉僧又言
思故鄉魚其人復指水得魚魚形皆纖細色班目赤僧
遂畱卒得禪旨其泉可以溉田民多便之

歸柔魏人宋乾德中開創趙橫寺後休糧不食及卒弟子
爲之建塔夢常見之弟子紹因開壙視顏色如生祠之
有禱輒應

清剖禪師興陽僧在太陽作園頭種瓜機鋒敏捷陽笑而
去

竟脫林溪僧嘗卓錫於纂子山泉水湧出

趙橫山和尚邳州僧見語錄

芭蕉禪師見傳燈語錄

潼泉山禪師叅黃山和尚問答後證悟精微

京山縣志

卷之十五

仙釋列傳

三

清讓禪師興陽寺僧

圓禪師芭蕉寺僧

慧堅師太陽寺僧初在靈泉拜次泉爲師後大證悟

令遵師芭蕉山僧有語錄

詞鐸師興陽寺僧有語錄

慧禪師太陽寺僧有語錄

宏毅師芭蕉寺僧有語錄

鐵漢和尚京山人居金陵牛首東峯下獨坐數十年嘗蓄
二猿子自隨有所須猿輒解意與龍眠方學士坦菴善

特構一軒方來即居之號曰坦軒和尚化去二猿悲鳴
不已死葬於塔側學士題其遺像云兩個猿猴杖一根
獻花石上獨稱尊怪公事事能超脫畱此賊私誤子孫

王士禎池
北偶談

僧明極性好整潔住水月菴廿載寡交靜坐年七十預告
同住持見月以圓寂日時至期約高僧葵菴說偈端坐
而逝

呂法官平壩團人諳六丁遁甲之術乾隆間大旱法官登
壇求雨大獲甘霖因名其處曰雨壇坡德安太守賜有

京山縣志

卷之十五

仙釋列傳

四

匾額後傳尸解云

仙釋補

劉道人明季卓菴白龍洞旁羽化時謂鄉人曰後遇天旱
祈雨當暗助已而果驗至今土人塑像祀之相傳有歌
云東南角起紫雲有雨便是劉道人